

忽冷

石舍門洞

雲南志石舍門洞在雲南曲靖府越州洞中廣闊深邃茂林修竹真列一天地昔有人嘗入洞

中意行五七日猶未能遍歷其地而出元一統志石舍門洞在四川潼川州遂寧縣大像閣下此堂宇之壯洞前大江匯為淵潭林

屋洞

輿地紀勝晏公類要云吳縣西南一百二十里有神景宮宮內有林屋洞洞有三門有石鼓石鍾又有隔九門唐皮日休陸龜

蒙有林屋洞詩任昉述異記林屋洞為左神幽虛之天即天后真君之便闕中有白芝紫泉皆洞所出乃神仙之飲餽非常人所能得之吳郡志皮日休入林屋洞詩齋心已三日筋骨如烟輕腰下佩金獸手中持火鈴幽塘四百里中有日月精連亘三十六各各為玉京自非心至誠必破神物烹顧余慕大道不能惜微生遂招放曠侶同作幽憂行其門繞函丈初若盤薄砌洞氣黑昧晚苔髮紅鬢試足值坎窞低頭避崢嶸攀緣不知倦恠異焉敢驚匍匐一百步稍稍策可橫忽然白蝙蝠來撲松炬明人語散湏洞石響高玲玎脚底龍蛇氣頭上波浪聲有時若服匿偏仄如見鱗俄爾造平澹豁然逢光晶金堂似鑄出王座如琢成前有方丈沼凝碧融人清雲漿湛不動商露涵而聲漱之恐滅算勺之必延齡愁為三官責不

敢剪一觀

昔云夏后氏於此藏真經刻之以紫琳秘之以丹瓊期之以萬

祀守之以百靈焉得彼文人竊之不加刑石簣以一出左神俄不扁禹書既云得吳國由是傾軋逢纔半尺中有恠物腥欲去既嘆喟將迴又伶俜却遵舊時道半日出杳冥履泥去聲惹石髓衣濕露雲英玄錄之仙骨青文無絳名雖然入陰宮不得朝上清對彼神仙窟自厭濁俗形却憎造物者遣我騎文星唐陸龜蒙詩入林屋洞知名十小天林屋當第九人間三十

六洞天知名者十耳餘二十六天出九微志未行於世題之為左神理之以天后林屋洞為左神幽虛之天即天后真君之便闕魁堆辟邪輩在右

專備守自非方瞳人不敢窺洞口唯君好奇士復嘯忘情友致傘在風林低冠入雲竇中深劇苔井傍坎纔藥臼石角忽支頤藤根時束肘初為大幽怖漸見微明誘吃若造靈封森如達仙藪嘗聞白芝秀狀與琅花偶又坐紫泉光甘如酌天酒白芝紫泉皆此洞所出乃神仙之飲餽非常人所能

得何人能挹鬻餽以代漿糗却笑探五符徒勞步雙斗真君不可見焚與空遲久眷戀玉碣文行行但迴首宋范石湖大全集林屋洞仙經一名左神幽墟洞天正洞門在觀中出觀左門又有二門一名雨洞一名暘洞擊水搏風浪雪翻烟消日出見仙村舊知浮玉北堂路今到幽墟三洞門